

INUIT ATAQATIGIIT

INATSISARTUNI



UPA 2014/158.1

23. april 2014

Harald Bianco

Inuuusuttut inersimasullu innarluutillit atuartinneqarnissaannut, ilinniagaqalernissaannut suliffeqarnissaannullu kommunit inatsisit atuuttut naapertorlugit sunik pisussaaffeqarnerannik Naalakkersuisut erseqqissaassuteqaqqullugit Inatsisartut aalajangiiffigisassat-tut siunnersuut.

(Inatsisartunut ilaasortaq Agathe Fontain, Inuit Ataqatigiit)

Siullermik Inuit Ataqaatigiinnit Agathe Fontain Inuit Ataqatigiit qutsavigaar-put siunnersummut saqqummiussaanut!

Qulequttamut pineqartumut Naalakkersuisut kommuninut erseqqissaassute-qarnissaannik siunner-suuteqartup piumasaqaataa Inuit Ataqatigiinit tamak-kiisumik taperserparput. Tassami pineqartuni inatsisitigut pisussaaffiit taak-kooreermata pisariaqarpoq minnerpaamik taakku malitsinneqarnissaat.

Erseqqissartariaqarpoq innarluutillit inuit allat assigalugit aamma pisinnaati-taaffeqarmata pisussaaffeqarlutillu, pisinnaatitaaffiit tamakku Inuit Ataqati-giinit atuutsinneqarnissaat assut pingaartikkipput matumuuna oqaatigaara. Taamaattumik pingaaruteqarpoq innarluutillit periarfissaannik; ilinniarfiup-pat suliffissaappallu pisussaaffiit malillugit pitsaaasumik pilersarusiuuttar-nissaat. Taamaattumik kommunit assut kaammattorusunnarput, pisussaaffiit naapertorlugit periusissanik suleriaasissanillu ullumerniit sukumiinerusumik suliaqarnissaat.

Naalakkersuisut akissutaanni allassimasutut IPIS-ip pilersarusiortarnermi sineriammi kingune-qartitsiviusussamik ataavartussamilu pikkorisaaasnisa tapersorsornarlunilu tusarluarnarpoq.

Inuit Ataqatigiinnit taamatut naatsumik oqaaseqarluta, siunnersuut tamak-kiisumik taperserparput.